



21380

Kst. komp.

III


Mog. St. Dr.

P

Wojewodzie Pauli Joani Philtrum pallasium
auspicato himenaceo oblatum --

PANEG. et VITAE
Polon. Fol.

Nr. 11/3.



PHILTRVM
PALLADIVM,
AVSPICATO HYMENÆO.

Illustrissimi ac Magnifici Domini,
D. FRANCISCI
IN LACHOWICE,

SAPIENHÆ,
PRÆFECTI STABVLI M. D. LITHVANIÆ,
Braclaiensis, Olkinensis, &c. &c.
CAPITANEI.

Nec non,
Illustrissimæ ac Excellentissimæ Sponsæ,
ANNÆ
COMITISSÆ IN WISNICZ ET IAROSŁAW,
LVBOMIRSCIÆ.

Illustrissimi & Excellentissimi Domini,
D. GEORGII SEBASTIANI
COMITIS IN WISNICZ ET IAROSŁAW,
LVBOMIRSKI
SACRI IMPERII ROMANI PRINCIPIS,
SVPREMI REGNI MARESCHALCI DVCISQVE EXERCITVVM,
GENERALIS MINORIS POLONIÆ,
Cracouiensis, Chmielnicensis, Nizynensis, Olsztynensis, Periesłauien: Casimiriensis,
GVBERNATORIS
FILIIÆ.

PER
M. PAVLVM IOANNEM WOIEWODZKI, *Philosophiæ in Alma Vniuersitate,*
Cracouiensi Doctorem & Professore,
CVM VOTO AFFLVENTIS FORTVNE,
OBLATVM.

Anno Donatæ Hominibus Diuinæ, per Verbum Incarnatum Gratia. 1672.

CRACOVIAE,
Apud ALBERTVM GORECKI, S. R. M. Typographum.

METAMORPHOSIS. DIVINO PLATONI.

Si credimus,

Fides erit,

Rem Diuinam esse Connubium,

QVOD

Mortales immortalitate donat,

Deos faciendo,

Cum homines desinere, faciat.

IAM

Inter fabulas non fabula sit,

Nuptiali Vinculo Perseum & Andromedam,

A D

Astra æternum lucentia,

D E

Tenebris peritura ætatis,

Tractos.

Immo,

Coniugium Firmamentum vocitemus,

IN QVO

Tot splendent Lumina,

Quot sociales animi æternitati inseruntur.

ITAQVE

Matrimonium, Cælum, & quandam Diuinitatis portionem,

Firmiter concludamus.

P A.



21.380 III

P A N E G Y R I C V S.

REnunciâsse Palladem humanitati, nullus vnquam literatorum enunciauit. ILLVSTRISSIMI NEO-SPONS. Non ita illa ambit colitue literas omnes, vt solam Ethicam à suo excludat consortio: docet quippè alitq; pariter virtutem cum artibus ingenuis, vt generosa pectora, tam excellenti bono imbuta, commodis alienis non modò proprijs, augendâq; fortunæ meliori sese accommodent: quum naturam boni respuat, quidquid domesticis deuotum latebris: in publicum non diffunditur: aut vocat in odium, quod cuipiam vtile, honestum, gloriosumq; futurum est; immiscetur proinde casta Dea, tam alacriter exultantibus in Vestra causa gaudijs, quàm sincero cultu, fecundas votis, gratulationes consignat præsentì Hymenæo, cui & felices primò tædas præfert in spem non dubiam secundi per myriades successus, quem verbis solennibus, vultu læto, faustoq; omine precatur, ac destinat. Decet enim excelsas, & ad magna iniciatas mentes, vt veneratio profunda, ita felicitatis communem staturam excedentis, apprecatio non vulgaris. Vsq; adeò nobilis hic Fetus, Supremi in Orbe Lechico Iouis, D. nimirum IAGELLONIS, VESTRAS Nuptiales faces obseruando æstimat, vt illiberalis etiam ad aras pronubæ Iunonis, absq; donis iugalibus nolit comparere: quamuis abundè sibi constiterit, VESTRAM Fortunam, eò affixam esse fastigio, vt vicinæ opis indiga sit minimè: immò diffusa in alios, ad non mediocre posteris exemplum, sibi ad ingentem famam, superatâ Theodosij dexterâ, aureis hastis, animos conuiuarum, inter mensas absq; vulnere, configente. Cæterum cum & vmbra splendido Apellis artificio, dat gratiam & habet, ad speciem nœui, qui venustam interdum formam adsuevit condecorare: nihil siquidem adeò in mortalibus compositum est, omnibusq; absolutum. numeris, quod modicam appendicem quandoque abnuat. Nec Iupiter cum Mercurio, cælestia licet Numina, Phrygiam peragrandò incul-tam, Philemonis & Baucidis agrestem munificentiam, non minùs rudì, quàm vili arte instructam, & adornatam dedignantur, vt potè piæ in Superos mentis, non plebeium argumentum. Consultissimè vel ideò Pallas IAGELLONIA, augusta fædera VESTRA, dono literario Regibus ipsis, ac Imperatoribus accepto semper tantò promptiùs dignatur, quantò certius manet in omne æuum, mansurumq; est, nemini suam pietatem in altiora fastigia, vituperio, noxæ aut obtreptioni habitam; & Musas quamuis sæpe incomptas, Musas esse non definere. Munus porrò, non aliud VO-BIS dicatum it, ILLVSTRISSIMI NEO-

Sponsi, quàm Vos METIPSOs, & in VOBIS Maiores Vestros, quibus tantæ debentur laudes, quantam factis suis possedère immortalitatem, supergressi virtutum suarum magnitudine, quidquid arduum & imperuium reliquis obiecit mortalitas, vel fatum. Immunes illi sunt communis necessitatis, ut imponant eandem ad narranda sua decora, magnis quibusque ac decoris ingenijs, paratis datisque in sæcula scriptoribus claris, quatenus immortales animæ, factis egregijs desponsatam æternitatem dicant, atque promulgent; nemo tamen vel disertissimus omni sua desudante facundia, Illustrissima genera, SAPIEHANVM & LVBOMIRSCIVM, ex æquo dictis commendare, voce extollere, stylo circumscribere, eleganti cothurno æquare audebit, aut poterit: nemo vtriusque gentis perpetuam memoriam temporalibus præconijs, affatim ut par est venerabitur: nemo illustria opera, effata prudentia plenè reuoluet: nemo sparsam per orbem famam, animorumque formam, ita diuinæ propiorem, uti longè à vulgari, diuulgatam, ex toto complectetur. Quis enim ad geminatum hunc fulgorem, Solemque duplicem, toti Sarmatiæ pariter venerandum ac beneficium, animo non consterneretur, concidatue? nec malit potius gratulantium turbæ immixtus, stupore mentem suspensam tenere, obtutum auidius grandi spectaculo nutrire, tacitaque gaudia peragere, quàm in ipso conatu deficere, ac ludibrium debere? Quis hic in tanta laudandorum amplitudine, Harpocrati non optet silens magis, quàm loquens, interpreti nuncioque Deorum, facundo Mercurio litare facundè? Quis ætate quoque protracta, & longâ rerum experienciâ, parem se tantæ moli audentiùs profitebitur? nulla & nullius ingenij tanta vis, tanta vbertas, tantaque copia, quæ VESTRI generis claritatem, claramque vetustatem perstringere, ac delibare, ne dicam verbis enarrare ad laudem, exornare ad Maiestatem valeat; quin immò immensum ille mare ingreditur, & in vastam altitudinem, ac velut in profundum inuehitur, quicumque ingentibus factis, gloriæque celebritate subnixam vtramque DOMVM hanc, ore vel calamo extollere contendit, studetue celebrare; congesta per ætates plurimas ornamenta, tam grandia sunt, ut vel animosum Oratorem obruant, ac opprimant. Domus SAPIEHANA, magnis semper ausibus sollicitabat immortalitatem, & ad normam Illiacæ machinæ diuina Palladis arte fabricatæ, alios atque alios expediebat, qui culmen obtinerent. Fatorum illa violentiam, an necessitatem horruit nunquam: abeuntibus his, nullis verò intercidentibus, ita gloriosa prout auspicata serie, succedebant illi, accepto à præcedentibus stimulo ac impetu, quo indefessi vrgerent virtutem, honoresque honoribus accumularent, fasces fascibus fortunato nexu adnecterent, ne auita virtus recenti sociata, nouis titulis velut nouis præmijs, in claris nepotibus destitueretur. SVNIGALVS, Trocensis Castellanus, æquè trabeâ atque galeâ spectatus, familiam agmenque ducit, dixe-

dixero veriùs continuat, tot se coetibus SAPIEHANIS festinato passu,
ad hæreditarium sibi virtutis splendorem præcurrentibus, quibus pa-
ria lustra debentur, cum Vitenibus, Gediminis atq; Olgerdis, Maximis
Magni Ducatûs Lithuanix Luminaribus, nunc quoq; optatissimè ad vo-
ta vtriusq; Gentis coruscantibus, in SERENISSIMO MICHAEL E,
POLONIARVM REGE INVICTISSIMO, Sanguinis sui portione au-
spicatissima. Compertum namq; est SAPIEHANÆ dignitatem Profa-
piæ, vnâ cum nascentibus Lithuanix Principibus natam, cuius magni-
tudinem ad vsq; initia sequi, & velut Nili caput scrutari, tam opero-
sum crediderim, quàm illis sæculis rudibus literarum, promptum ma-
gis gloriosa patrare, quàm gloriam datâ operâ annalibus inferere, vt
vel noscitarentur posteris, vel commemoratione grata recolerentur:
cum pro tunc optimus & laudatissimus quisq;, optima laudandaq;
facere, non scribere, militari stylo, non literario, fastos & famam im-
plere, sua eximia facinora, ab alijs vel ipsis etiam hostibus fide bona
celebrari, non ipse aliorum, posteritati narrare, tradereq; maluerit.
Alter esto BOGDANVS SAPIEHA, Palatinus Smolensci, affinitatem Prin-
cipum Russiæ, connubio vsurpans, cælitus Reipub: concessus Vir, publi-
cis quibusue cladibus, priuato dispendio iens obuiam, quæ toties re-
pressæ, miras per artes oriebantur, successu tamen carebant: nam se-
quentium pari laude & animo SAPIEHARVM, ipsa in herba suffoca-
bantur. Loquuntur campi, Vrbesq; Moschouiticæ, hæ aut ruderibus
obrutæ, aut ad deditionem adactæ, illi cumulis corporum armorumq;
operti, fortitudinem inuictam, magnanimitatem vt secuturæ ætati ad-
mirandam, ita hostibus formidandam IOANNIS, Vsuiatensis Præfecti,
CHRISTOPHORI, M. D. Lith: Pocillatoris, ANDRÆ, THOMÆQ;
Palatinorum Nouogrodensium, Heroum Marti, Bellonæq; habituato-
rum, qui malebant semper habere victoriam, quam exspectare, cum
illud bellicosi, hoc inertis animi opus est: eligebant iacturam amplif-
imarum possessionum, in præmium mercedemq; virtutis militaris dis-
tributarum, quàm fortunarum. Reipublicæ, nominisq; proprij, præ-
stantissimæ apud generosas mentes hæreditatis: subire, pati, ac inde-
center tolerare: quum non vulgaris pectoris sit, infra bona animi, for-
tunæ locare, & toto conatu, ad egregia, quæ magno tantum sudore,
obtingunt eluctari; silentio & inigrata obliuione, non obruunt muni-
ficas è proprio largitiones LEONIS, Supremi Ducis Exercituum Lith:
ac Palatini Vilnensis, DEODATI, ALEXANDRI, virtute comparis Ma-
cedoni, Diuûm aræ, puluinaria & Flamines. Habet porrò munificen-
tissima SAPIEHARVM Domûs, Cælites debitores, profusis in eos tot
magnificæ munificentix riuis, quot Sacratas DEO, Diuisq; ædes, sum-
ptu ingenti, arte non minùs probata, quàm quæsitæ, opere pretioso,
ad inuidiam planè edacis rerum temporis exstruxit splendide. Hoc
demum est SAPIEHARVM, cælum in suam vertere substantiam, rara

felicitate vltra orbem sese porrigendi, terrâ per amplam nominis gloriam occupatâ. Quæ demùm reticebit ætas, conspicuos prudentiâ Senatores? præstantes robore bellatores? in pace suadâ felices, in bello manu animoq; potentes, domi Alcibiadas, Aristidas, Milciadas, Pompilios; in castris Mutios, Scipiones, Curios, Camillos; PAVLOS, nimirum SAPIEHAS, NICOLAOS, STEPHANOS, FLORIANOS, MICHAELIS, LEONES, ipsis nominibus victores gentium, coronatos, floridos, melleos, validos, Palatinos, Cancellarios, Procancellarios, in Moscouiam vt disertissimos, ita strenuos Legatos, quibus non modò pro iusto debitoq; extollendis, verùm leuissimè percensendis dies integri laborarent, quum in æternitatem præclarè gestis, & meditato plurimùm Magnorum Oratorum apparatu, iam inuecti sint. Nullum equidem sæculum tantis luminibus, tenebras obliuionis præsumet offundere; memorabuntur ex fide à Patria, tanquam à Matre Filij, commendabuntur serò imminentibus lustris, per elegantem sublimium ingeniorum conatum. Noscitaberis omni æuo, inclaresces omni posteritati, Illustrissime PAVLE, IOANNES SAPIEHA, Palatine Vilnensis, Supreme Dux Exercituum M. D. Lithu: Fortunatissime Parens, quaternis non minùs optimis, quàm dignissimis Filijs, veluti datis Lechiæ quatuor firmissimis propugnaculis, aduersum quosuis impetus insultue hostiles, à quatuor mundi climatibus ingruentes: nulla orbis plaga ignorabit fortia facta Tua, quum illa singulis, singuli Natorum omni studio, sollicitaq; imitatione transmittent, viues vnus his in omnibus, aut omnes Tui horumq; Antecessores in Te vno, implebis gestorum magnitudine, præliorum numero, crebra hostium strage, effuso barbarorum cruore, annales & historias, quanquam abundè iam Orbem Sarmaticum, ingenti fama Tua impleuisti, Scytharum, Moschorum, Cosacorum, Hungarorum innumera pænè multitudine strenuè profligata, trophæisq; vltra ripas Tyræ, Danubij ac Mæotidis, vltra Balticum fretum, Carpathios vertices nubibus illatos, & cælo minantes, erectis gloriosè; rectè nihilominus impleturus adhuc diceris, cum habeas eos, qui laudes Tuas nunquam otiosas, nam operosæ virtuti infixas aucturi sunt. Coronabuntur ampliùs, & ampliùs inter mortales immortalia facinora Tua, virtutesq; Heroicæ, in Illustrissimo NEOSPONSIO, vt potè in accurata animi Tui excelsi Idea: spectabis lætans desuper, sudorum Tuorum in negotijs publicis largè profusorum, vberes in Nato Illustrissimo fructus; dedisti etenim Magne Heros, præsentis sæculo, veram Tuæ Herculeæ formæ imaginem, in qua luculenter miramur, spectamus, celebramusue prudentiam virilem, iudicium solidum, liberalitatem verè SAPIEHANAM, Pietatem in DEVM & Patriam, maiorum non dissimilem, nec disparem fortitudinem, etiam ignotis obuiam comitatem, dulce alloquium, solers animorum illicitum; discimus ex Te: à generosa Aquila, imbellem non progenerari colum-

columbam, sed à fortibus & bonis, fortes bonosq; creari. Intelligimus quantum Tibi pro tam eleganti imagine Tui, quantum Illustrissimo NEO-SPONSO ex affe Paterni genij hæredi, pro continua summæ virtutis Tuæ imitatione debeamus. Non aberrabit cara SAPIEHANI Sanguinis Propago, à meta honoris & perennaturæ gloriæ, quam sibi diu Gentilitia destinavit SAGITTA, Phœbi iaculis tantò præstantior, quantò felicior, non vnico tumido monstro interempto, sed millenis barbaricis pectoribus transfixis, vt latentis domicilium perfidiæ, noctu diuq; patenti Herebo, seueriùs expiandæ pateret. Hi sunt SAPIEHANÆ indolis colores venustissimi! Hæc Illustrissimi Sanguinis, per Maiestates Principum, Regumq; Purpuras, auspicante Hymenæo diffusi, decora! quæ omnium animis altius impressa, etiam posterorum linguas in laudem soluent, & mentes in exemplum component, quæue associato sibi per coniugales ignes, vetustissimo SRZENIAVA LVBOMIRSCIO, perennitatem habebunt, labentis non reformidando temporis Syrtes, & Symplegadas, pericula leuibus grauibusq; curis communia. Cur verò SAPIEHANIS decoribus, non ad speciem perennibus, accessio perennitatis non spondenda ab Amne LVBOMIRSCIO, auspicijs adhuc Parentis Polonorum Lechi, in continentem Sarmatiæ ex Illyricis fontibus decurrente? nunquam tamen per ignauiam, suis in littoribus desidente, adeò vt æternitatis æmulum, an Symbolum? mireris an prædices? quum nihil mortale, nihil leue, nihil euanidum, nihil in augmentum tenuis auræ abiturum defert. Caput exundantis feliciter aquæ, scrutaris curiosus? cum nascente Lechia annos censet, & beatas fert ætates; famam spectas? perennis est; magnitudinem? mensurari congruè nequit: Commoda? hæc vt nulla capacitate exhaustiri, ita nullo artificio numerari possunt; Religionem? Græcis fluminibus Vestalium comas sibi deuotas absumentibus religiosior. Fortitudinem? aqua Martiâ Quiritum validior; habes omnia quæ in vno celebres, habet vnus SRZENIAVA, quod cunctis seu laudandum, seu imitandum largiatur. Ita magnæ indoli, non vnica virtus familiaris est, vniuersis turmatim in possessionem accurrentibus; cum obseruare ad bonum interualla, desidibus ac primo in limine probitatis improbè nutantibus vitium an officium proprium existimetur. Asia quid Tigris velocitatem, an velox robur ostentas? in LVBOMIRSCIO SRZENIAVA, vtrumq; mirare. Quoties ille celerrima fortitudine in campos Roxolanos excurrens, Tauricanis monstris occurrit, in eaq; incurrens victor stitit: quoties perfidam immanitatem Moschorum demersit, vt ad Laurus tuta Lechia enauigasset: quoties rebelles Cosacorum myoparones absorpsit, vt oneraria Poloniæ læta, tranquillum littus salutasset: & quod prodigij vim habet, totam pæne Asiam & Africam, totum Orientem ad Chotimum, in vltimum Poloni nominis occasum, ab heluone regnorum Osmano deductum, validis vorticibus suis obruit, oppressit,

retroq; cedere, ne Sarmatia caderet, adegit; tanto Orbis vniuersi stu-
pore, quanta Christiani nominis Poloniq; iam iam illo fato exstinguen-
di, felicitate, quum lugubres vicinorum voces, actum fuisse de rebus
Lechicis ingeminarent, cupressum eis ominando; ast triumphales pal-
mæ, subitò in ripis SRZENIAVÆ erumpentes, irrita vaticinia elusere.
Rubuit ille, ô quàm crebro! effuso hostili cruore, vt spiritum & vi-
tam Patriæ affunderet, Palloriq; & Pauori, Quiritum more nunquam
litaret: nisi candidum malim dicere, quod intemeratam Scepbris Sar-
maticis fidem, sincerum purumue à limo perfidiæ studium præstaret,
ac hodie non in speciem præstet: haud scio, an aliquando in eo fidam
stationem, malaciam, & halcyonia Argo Polona, non reperit, cum is
tempestuosum Æolum, cum turbine vorticoso à lymphis suis proscri-
pserit, ne sibi contagiosum aliquod dedecus pertinacius inhæreret:
inest enim generosis naturis ea laudanda cupido, vt tam nulla velint
notari labe, quàm omnes gloriæ poscant characteres. Non ego facilis
crederem Gangem, Hermum, Tagum auri ramenta voluere trahereue,
nisi eò ditior cunctis, quò munificentior singulis, FLVVIVS LVBO-
MIRSCIVS, fidem commentis veterum conciliaret, & liberalitate in
omnes, littora sua obsidentes, à suspicione veritatis liberaret, hos fe-
lici de se præda onustos dimittens, illorum vehementiorem fortunæ
sitim, diffusis beneficiorum alueis, de prompto exstinguens. Sanè
congruens est Aquis verè Polonis, nam Polo dignis, non personata mu-
nificentia, quum Nilo arentem Ægyptum potante, fecundanteq; simul
vberiores, omni pretio inæstimabilis fortunæ abundant; debetur illis
perennatura salus, dum fontibus Arcadiæ præstantius antidotum, ro-
bore & consilio, viribus & armis, in peraugusta LVBOMIRSCIORVM
officina fabricatis, languenti sæpiùs Reipublicæ, felici euentu propi-
nant: inhiantibus verò publicæ integritati Anthæis ac Polyphemis,
toxicum non irritò successu porrigunt, tot triumphalibus insulis in-
altum erectis, quot tumuli exstinctorum, à se hostium cadauera pre-
munt, ne liberrima Sarmatia, iugo ferali opprimatur. Perdecorum est,
& Illustrissimam SAPIEHANAM Domum, in quam nihil non splendi-
dam intromittitur, de tam prædicando FLVMINE NYMPHAM, non
fucatis virtutum coloribus venustam, dote probitatis auitæ au-
ctam, compositione morum pænò cælestium aspectabilem, formâ pu-
dicitæ immixtâ perquam gratam, inter intima coniugalis amicitie
adsciscere; vt geminatus fulgor, eò abundantius duraturam posteri-
tatem, quam hisce Familijs gloria virtutis comes, ex longo tempore
despondit, valeat collustrare; priuatæ namq; fortis est nasci, denasci,
oriri, aboriri; ast magnæ animæ splendentibus fastigijs destinatæ, cum
corpore non exstinguuntur, quin immò acceptam à Maioribus lucem
fouent, curisq; publicis æternum continuant. O Te felicem tanto
bono Sarmatia! quantum ad Tuos Ciues, aras & focos è præsentì Hy-
menæo

menæo deuoluitur, vltraq; deuoluetur tractu tam perpetuo, quàm-
optato. Hinc Tibi, ita dubio procul, vt assentatione procul, contra-
fatorum atrocitatem, strenui prodibunt Achilles, fortes exorientur-
Aiaces, inuicti Scipiadæ, prudentissimi in administratione publicæ fe-
licitatis Pericles, munificentissimi in erogandis beneficijs Traiani, Nu-
mæ in sacris promouendis protegendisue religiosissimi. Hinc victri-
ces Lauri, triumphales Palmæ, paciferæ demùm Oliuæ enascentur-
Hinc sincera beatitudo acerbitatibus non confusa, insidijs non circum-
uenta, multiplici alueo dimanans, ciuium animos largiùs reficiet, diu-
tiùs recreabit. Talia de VOBIS ILLUSTRISSIMI NEO-SPONS, I,
Augustis Maioribus editi, sperare licet polliceriue! haud fallentur-
vota infallibilibus confirmata indicijs: prominet in vere, quid ex
aruorum cultura legendum sit in autumno; herba fertilis, non incom-
modè ominatur frugum copiam-
Ita enim nati estis, vt non modi-
ca quæuis Fortuna VESTRA, maximis splendoribus Familiarum im-
mixta, ad Rempublicam pertineat, è cuius voto, non minùs prospera,
quàm longæua numerate lustra, innumeram virtutum, laudumq; de
Vobis materiem, eruditis mentibus daturi-.

ELOGIUM I. AQVILA SARMATICA,

Haud Tu pharetratis Gelonibus meta es-
Tam multiplicem Sagittariorum impetum-
Vel vna SAPIEHANA SAGITTA,
Retundente-:

Eò maiori felicitate-
Quò firmiori geminatæ Crucis subsidio,
Cælestibus nimirum armis,
Subnixa sit-.

*Bellat securius, triumphat certius,
Cui in suppetias cælum accurrit.*
Habes quod opponas telis Scytharum-
Quibus Darios tantum terrere non SAPIEHAS,
Solenne illis est,

Non decidere ausim magis fatales Troiæ, Sagittas Philoctetæ,
Quàm hostibus Lechiæ, SAPIEHANAM,
Feras Threicias peraptam ferire-.

E T
Tauricanam Asiaticamue ferocitatem domare.,

VEL
Orci Furijs consignare.,

Hac
Multoties prostratum Moscux Draconem.,
Illis dubium fit.,

QVIBVS,
Tam ignotus Mars Polonus, quàm notissimum Poëtarum commentum,
De Pythio monstro, telo Apollinis transfixo.
Formidatus fuerit Acheronti Sagitta suâ Alcides,
Auarum pectus atri Ditis perforans,
Ipsam fortè auri famem ibidem interempturus:
Ne hæc pariter Codros, atq; Cræsos enecet;

CVM
Tam huic deest, quod habet, quàm illi quod non habet.

Nobis SAPIEHANVM Telum, tantò gratius,
Quantò salubrius Patriæ, nocentius hostibus,

A Gratijs gestatur.,
Ita Liberalitati fauens, vt avaritiæ hostis.

Vnde
Non minùs fortitudinis quàm munificentia,
Symbolum præfert.,
Nec magis ferro præstans, quàm auro diues,
Illo hostibus metuendum, hoc ciuibus amandum.,
Vtroq; Ecclesiæ, Reipublicæ, percommodum,
Benefici Planetæ Solis,

Præter eminentiam, fulgorem, agilitatem,
In hoc maximè analogiam seruat.,

QVOD
Omnium felicitatis ferax fit.,
Neminem videndo, quem non faciat beatum.,

Suam censet fortunam.,
Extra inuidorum censuram.,
Pariter alios atq; ipsum est spectare fortunatos.
Illud in reliquis scelestum reputans,
Quod sui similes oderint.,

Hi tamen dum alienæ sorti inuident, vitia propria demonstrant;

Hoc verò
Diuinum est, magnarum mentium est,
Videre necessitatem & tollere;
Vinci nec armis, nec munificentia,

Quâ vel solâ benè ad Diuinitatem, sit accessus, Facta

Facta per eam honoris laudis, vndique accessione;
Nimirum_,
Mortales non citius aut melius Deorum loco habentur, quam cum profunt.
Non ergo ipsis tantum Gotthis Sagitta munus nobilissimum fit :
Nam Polonis etiam_,
SAPIEHANA,
Donum caeleste habetur_.

ELOGIVM II.

Magni Ducatus Lithuaniae gloriam non modicam_,
Ne quaeras alibi :
Compendiosam eius Epitomen_,
In SAPIEHANIS Armis habe, lege ;
Extant characteres, quos dextera Mauortis pepigit.
Non delet vetustas, quod exaravit aeternitati bellica virtus :
Immortales laudes, recte admodum Martiali ferro imprimuntur,
Seu libris, seu liberis animis ;
Nescit enim tumulum magnanimitas,
Vel eò ipso,
Quod
A tumulo vitam publicam reuocat_.
Hercynij saltus tot debent temporibus SAPIEHANIS Ciuias,
Quot tranquilla numeramus tempora, seruatos laetamur Ciues :
Nulla ibi arbor non Laurus, nullum barbaricum pectus non scopus,
IACVLO SAPIEHANO,
Quod
Aequius multo quam Antonij Imperatoris Sagittæ,
Lauro coronandum :
Nam illæ tantum in nummis, nec tegentibus, nec vulnerantibus_,
visebantur_,
Huic Campus Martius hodie quoq; theatrum est.
Ad Bellonæ ausus, natæ Familæ,
Ecquod conuentius Insigne quam Gradiui?
Alatum illud præferendum est ijs animis,
Qui stertere nescij, ad triumphos volare periti,
Bellonam non Cuninam, vel in cunis adhuc colere assueti sunt.
Grande enim virtuti tedium expectare annos,
Quos præuenit sæpius quam adit.

REGIAM ALITEM SARMATICAM IOVIS SUPREMI ARMIGERAM,
ALATA SAPIEHANA decent præsidia,

QVIBVS

Tutò innixa,

Nisū tam facili, quàm felici ad trophæa euolaret:

Mehercule & Hercules promptius auxiliante Iolao profligat Hydram,

Ioui itidem certior de Gigantibus victoria, cum suppetijs Titanum:

Ad Laurum quippè metendam peridoneum instrumentum, virtus unita.

Auxiliaris SERENISSIMARVM MAIESTATVM, SAPIEHANA

SAGITTA,

Sæpius Aquilonaribus & Orientalibus Harpyis,

Ferri sui obiecit aciem,

Nec obijcere rata satis,

Nisi & pernici volatu suo, inuolantes in nostram perniciem,

Sisteret ac interimeret Victrix,

Vitam Patriæ, Coronato Capiti gloriam, pro præda adferens,

Fortunamq; ad Auctorem referens

Nunquam præclarè gestis in suam famam exultat:

Ita fortitudine in bellando, fide in Regum dignitate tuenda,

Modestia in prædicando,

Extra inuidiam, nec extra gloriam persistit.

Fas est bellicas, & harum filias pacatas laudes speculari,

IN

ILLVSTRISSIMO PAVLO IOANNE SAPIEHA, PALATINO VIL-
NENSI, SUPREMO DVCE EXERCITVVM M. D. LITH:

IS

Compendium Maiorum factus,

Eorum illustria facta proprijs ampliauit,

Ne non suis tantum luminibus splendidus foret.

A literis ad castra gradum faciens,

Vbiq; gloriosum culmen attigit,

Et quoniam Heroicæ virtuti, de vna gente mereri non sufficebat,

Seu vt PAVLVs esset Bellator gentium,

IDEÒ,

In castris Regni, & M. D. Lith: meruit stipendia, nec sumpsit:

Immo,

Neruo belli è suo patrimonio, milites toties roborauit,

Ne vel semel in communi omnium Patria,

Viribus eneruatis:

Suecus, Moschus, Gelonus, Pannonius,

Ambitosam prædam colligeret;

Supremus Dux belli ante caput esse, quàm fieret,

Nihil

Nihil vnquam infimum secutus, primus ad victoriam, nec postremus
ad pugnam.

Præpostere namq; bellatur,

Cum Dux ab agmine ducitur, non agmen à Duce:

Ita Ducem se esse meminerat, vt nec militaris officij obliuisceretur.

Ita militem, vt neq; munus Ducis in periculis exueret.

GNARVS,

*Alacritate Imperatoris, Exercitui tam decrescere metum & discrimina,
quàm crescere animum & victoriam.*

Cum paucis quandoq; suorum, magnitudinem aduersam aggressus,
Fortitudine præueniebat infortunium.

Quod si timeatur, accelerat;

HINC,

Plures metu, quàm ipso periculo intercidunt.

Vt Mars Sarmaticus esset, nunquam non galeâ pressit caput,

Non tamen affabile, mansuetumq; oppressit ingenium;

Ita cunctis charus, vt singulis metuendus,

Ita singulis metuendus, vt cunctis venerandus viueret.

Suis laboribus absuuebat vel accendebat alienos,

Excubiarum Argus vigilantissimus,

Algoris, ardoris, famis tolerantissimus.

Mindyridibus Sybariticis otio diffluentibus confusionem.

M. Curijs inopia castrensi pressis solatium fecit.

Nullius honoris auidus, omnium capax,

Meruisse contentus, habere abnuebat;

Nisi plus merita & necessitas publica, valuissent.

Cumq; viuere desiêrit, vincere non cessauit,

IN

Tam bellicosissima, quàm Patriæ amantissima Prole,

Hodie quoq; de hostibus Reipublicæ triumphans.

Et hæc demùm,

Magna Parentum felicitas, maius solatium, maxima gloria,

Dare non degeneres Orbi Filios.

Metire Lechia grandem Fortunam Tuam ex SAPIEHANIS armis.

Quorum meta, salus Tua, & virtus cum sua pedisequa,

Fama immortalis.

D

ELO-

ELOGIVM III.

Achæmenij fortitudinem Tigris si forte poscimus,

Polonum SRZENIAVAM petamus;

Fortibus ille Campos Lechicos alluit undis;

Vnde

Et stupendam moenium Semiramidis firmitudinem,

Nec in stupore, nec in votis fas sit habere;

Stabilior multò Lechia Babylone, quamuis fluido LYBOMIRSCIO-

RVM ELEMENTO circumfundatur,

IN QVO,

Navis Polona nauigando, victrix coronata,

Littus triumphale, nec semel non legit,

Inter malaciam, pacem & panem portans,

Pretiosissimos Diadematum vniones,

Decumanos fluctus derisit.

SRZENIAWA,

E Phrygia quamuis non effluat,

Impunè tamen à prædonibus regnorum non hauritur,

Quin eos vitâ spoliet,

Sueci, Daci, Moschi, Thraces, Pannonæ, Russiq; rebelles,

Vbi eum hauserunt, extincti sunt.

Porro

Nulla hîc læta natare possunt monstra,

Quin illicò ad Letum adnatent,

Hostis qui bibit inde, vel furit vel perit.

AT

Illud inter maxima FLVVI huius, encomia computandum,

QVOD

Grandem Asiaticam illuuiem, an veriùs colluuiem,

Totius planè Orbis speciem ferentem,

Ad integræ Lechiæ diluuium exundantem,

Ad Chotimum,

Vno hiatu an impetu? absorpsit an demersit?

Tantâ sui gloriâ, quanto ausu.

Ita Otthomanicus furor in SRZENIAVAM incidens,

intercidit.

Atq; lugubribus suæ Lunæ cornibus,

Lunatis SRZENIAVÆ littoribus,

Non aliter, quàm Arcui triumphali,

Istud impressit;

Æque

I.
*Æquè infaustum, ac ignominiosum init certamen,
Quicumq; contra Polonum decertat ELEMENTVM.*

Ita Sacer FLVVIVS, nam cælo defluens,

Profanas opprimit flammæ,

Aut sociat Acherontinis,

Sceleſtam Byzantarum cupidinem expiaturus,

Victimam non minùs cupido Plutone dignam.

Quàm libero loue cæloq; indignam,

Et Stygijs abluendam torrentibus,

Quæ infernalem contraxerat labem.

*Adeò spes nimias DEVS plerumq; sædos ducit ad exitus,
Congruensq; semper Tragicam eſſe, improborum ambitionem immode-
ratam;*

Osmanus libidine imperandi planè Macedoni par,

Arte ad imperia nandi omninò impar;

Hoc enim Euphratem tranante,

Ille SRZENIAVAM intantum exhorruit,

Vt neq; in continente Chotimensi,

Impavidum ſe ſuoſq; continere potuerit,

Quin hauſta, SRZENIAVIS aquis Threicia multitudine,

Naufragus ipſemet Byzantium remeare cogeretur;

Alias extra naufragium futurus,

Si Aſiaticis & Africanis potus, ad tumorem uſq; lymphis,

POLONAS ad timorem non ſiſſet.

Grande periculum multa iniquè poſſidentibus, pluribus inhiare,

Modo non modò ab animo, ſed ab auaritia proſcripto:

Cum nullum vitium pœnis excipitur.

Quanquam auaris perpetua auaritia, maximum tormentum,

Qui cum Mide deſinunt eſſe, ſunt Tantalii.

LVBOMIRSCIVS AMNIS,

Helleſponto non minùs laudis, quàm roboris voluit,

Hercynias ſyluas validè ſternit,

Fretum Balticum ſtrenuè miſcet,

Carpathios montes feliciter præterlabitur,

Hunnos, Pannoneſue horrendè inundat,

Se verò ſupra hoſtium ruinas euehit extollitq;

Non magis fortunatus quàm glorioſus.

Nulliùs Xerxis ſubiuit vnquam vincula;

Immò,

Inſeſtas vicit pluries mentes:

Ut constaret Vniuerso, liberrimum sibi deberi solum,
 Scamandri victor Achilles, victus hic absorberetur,
 Vel ipsa expeditione Gruneualdensi, fidem faciente.
 Adeò validissimus hic FLVVIYS,
 Adversa quæquæ etiam valida demolitur!
 Illius motu impauido, Libertas vernacula, quiete fruitur,
 Illius Martiali æstu, Zephyros captamus,
 Illo turbidas domante procellas, serenitatem aucupamur;
 Neptunum, Æolum, Tritonem, cæteraq; inuida,
 Nostro sudo Numina;
 Ludibrium æstimantes.
 Contra quos Zaporouios obices, Danubij, Borysthenis, Hypanis
 alluuiem,
 Achilleus eum non egit impetus?
 Euxini fluctus frustra intumescunt,
 LVBOMIRSCIO ELEMENTO sæpius depressi,
 Sarmatico Nomini crebrò vectigales,
 O Vitales Latices!
 Equibus vitam & spiritum haurimus,
 Non minori affluentia, quàm fiducia.
 Ita primordia libertatis Tux, LUCHO,
 Conseruationem, SRZENIAVA,
 Debes ô POLONIA!
 Et quàm pari debito vide!
 Cum non maior virtus sit inuenire, quàm inuenta tueri,
 Pluribus plerumq; in medio, quàm ad portum occurrentibus procellis.

ELOGIUM IV.
 FAVETE SVPERI,

SACRO AMNI LVBOMIRSCIO,
 Vestram causam agetis,
 Illius auspicia promouendo:
 In Olympum influit, parui ducens,
 Sola depressa alluere:
 Coloniam ducit in astra,
 Cælo ipsi munificus, cæli incola,
 Istro Nilq; pretiosior, quia non regum Persidos,
 Sed Cælitum illatus thesauro;

In quo præter Pythagoræ consilium,
 Libenter sui imagines specularunt,
 Videndi terrigenis, videntes Auctorem vniuersi.
 Ergo Liberalitas, dum alienæ fortune parens est,
 Simul sit faber propriae.
 Alterno enim fœdere,
 Religionem munificentia, Religio munificentiam,
 auget, ornat, & seruat.
 Et quoniam LVBOMIRSCIORVM DOMVM,
 Beneficentiæ Fontem, indigorum penu,
 Indigetes præsciuerunt:
 Commune idcirco Elementum,
 Adeo Beneficis Penatibus,
 Symbolum fecerunt:
 Præ cuius amplitudine,
 Symbolicam Nili fecunditatem,
 Vltro ignoramus:
 Neq; ad Siculos fontes, extinctas faces accensuri,
 (Verius gelidam sortem inflammaturi)
 precamur accedere,
 SARMATICIS VNDIS beatiotes;
 Et hæ Diuinæ Caritatis Ignem fouent in se,
 Vt congelatam miserorum fortunam refoueant,
 Et sub frigido licet Aquilone,
 Ignæ, hoc est lacrymas afflictorum exsiccantes,
 Habeantur, non modò credantur.
 Rectè proinde sibi gratulandum,

QVOD

Equè maxima ac perfectissima conferant solatia,
 Nullius donarium poscentes, omnium animos acquirunt:
 Adeo Supernæ Prouidentia, Vicarium AMNEM,
 Ea decet virtus,
 Vt remedium necessitatum colatur,
 Qui omnem suæ felicitatis abundantiam,
 Alienis calamitatibus debere se arbitratur;
 Dandi eum occasiones fugiunt sæpius,
 Animus verò deficit nunquam;
 Tenuiores ab humili sorte,
 Ad superbam manu tenendam euehit fortunam,
 Ipsemet in continentem beatitudinis perpetuæ,
 Famæq; perennis continuo influens;
 De nullius prosperitate non sollicitus,

Omnium commodis nunquam non intentus,
 Semper utilior esse studet, quam sæpè videri;
 Nescias magisne aliorum, an suæ felicitatis memor?
 Macedonico spiritu animatum crederes,
 Si verè Polonum ignorares:
 Qui non quantum egentibus satis foret,
 Ast quantum se elargiri deceret,
 aduertit seriò:
 Vt plus æquo videatur, non tamen sit liberalis,
 Prodigum idcirco ne voca;
 Collocat enim prudenter, non perdit beneficia,
 Heroicum potius opus, in Heroico FLUVIO celebra;
Virtus utiq; cum ad summum venerit, penè Divina fit,
inter mortales.
 Non disparem ille celeritatem in currendo,
 ad metam honoris,
 Promptitudini in largiendo, ad occursum indigentiae,
 amat:
 Non magis verò tædiosam, quam odiosam beneficijs moram,
 odit;
 Proprium sibi existimans,
 Ad benefaciendum properare.
Cum non sit alienum à munificentia, citò dare;
 Liberalissimus proinde cum sit,
 Obuia cuncta hospitaliter pertrahit,
 non abnuens,
 Tam galeâ Martis, quam scuto Mineræ
 hauriri,
 Vt supplicia fortunæ, à quibusue auertat supplicibus:
 Vel ne fortè ex folis Indiarum fontibus aurum extrahatur,
 Scyllas hic & Charybdes, vel subdolas Sirenes,
 ne cogita,
 Vbi blandæ Charites hæreditant,
 Vt scilicet miseros ad ripas admittant;
 Et felices dimittant:
 Vix beatiorẽ AMNEM præ hoc crediderim,
 Vix & consentaneas ei laudes inuenerim;
Pro dignitate laudari nequit,
Qui plusquam laudanda profert.
 Festiuo igitur Epithalamio, an celeusmate? occupanda Statio,
 Carbasa foliorum complicanda,
 Vili interim umbratiliq; stylo,

Splen-

Splendor SAGITTÆ, lucem—;
 FLUVIUS cum margaritis pretium dabit—;
 Sacræ verò Teda Nuptiales expiabunt, quod tyronis calamus peccavit,
 Qui maluit obsequens displicere—,
 Quàm desidiosus placere—,
 Et audacem suam promptitudinem in ius vocari,
 Quàm pauidam inertiam, extra censuram absolui,
 Cui quamvis nulla laus speranda—,
 De aliqua tamen venia, minimè desperandum—,
 Vel maximè ex eo,
 Quòd non egit sed actus est Symbolica INSIGNIVM velocitate—;
 Siquidem nec SAGITTA, nec SRZENIAVA stare sciunt—,
 Sita in actione virtutis;
 VEL
 Quòd sibi Æmus quàm Parnassus communior;
 SEV
 Quòd perarduum credatur, illustria æquè scribere, ac agere.
 Cæterum stridula incomptaq; penna, luat poenas,
 Thalasio, Hymenæo,
 Cadat victima—;
 Vt Connubialia hæc Numina, humili munere placata—,
 SAPIEHANÆ SAGITTÆ, FLUVIOQVE LVBOMIRSCIO,
 Coniugali fœdere sociatis—,
 Suprema dona cælestia, altamq; Fortunam—,
 De superno Gazophylacio,
 Vberius largiantur—.



Biblioteka Jagiellońska



stdr0003034

